

駐

粵

八

旗

志

駐粵八旗志卷一目錄

官兵額設

附增損原委

裁撤水師旗營改設步軍營

戶口

駐粵八旗志卷一

官兵額設

謹按康熙二十年

廷議於廣州設立駐防八旗漢軍兵三千名

是年鑲黃正白

正黃上三旗漢軍領催四十五名馬甲一千一百二十五名另礮甲二十四名弓匠十六名先來粵領催馬甲一千八百七十五名後至合前上三旗領催馬甲皆白共三千名

京師揀選挈眷來廣州每旗設協領一員叅領一員

分五甲喇每甲喇設防禦一員驍騎校一員鑲黃

正白鑲白正藍爲東四旗左翼副都統領之正黃

正紅鑲紅鑲藍爲西四旗右翼副都統領之而總

轄於將軍至乾隆二十年

廷議裁廣州駐防漢軍兵之半由

京師揀選滿洲八旗兵一千五百名挈眷來廣州

催領

一百二十名前鋒一百五十名馬甲一千二百三十名另弓匠八名鑲匠四名銅匠一名合裁
存之漢軍兵爲三千名滿漢合駐先是每旗一協

領改爲兩旗一協領每旗一叅領改爲每旗一佐

領

滿洲漢軍實各四員餘四員以協領兼管

每旗五甲喇防禦驍騎校

各五員改爲每旗上下兩甲喇防禦驍騎校各二

員左翼副都統改稱滿洲副都統右翼副都統改

稱漢軍副都統實皆兼轄滿漢是後官兵屢有增

損各因時勢所宜茲謹就現在官兵額數分列於

左其增損原委並載於後焉

官額

將軍

滿洲副都統

漢軍副都統

滿洲八旗

協領四員

鑲黃正白旗協領一員兼攝正黃旗佐領圖記

鑲藍旗佐領圖記

鑲白正藍旗協領一員兼攝正黃正紅旗協領一員兼攝

正藍旗佐領圖記

鑲紅鑲藍旗協領一員兼攝鑲黃旗佐領圖記

佐領八員

正白正紅鑲白鑲紅實置鑲黃正黃正藍鑲藍協領兼攝

防禦十六員

每旗上甲喇一員下甲喇一員

驍騎校十六員 每旗上甲喇一員 下甲喇一員

將軍衙門筆帖式一員

漢軍八旗

協領四員 鑲黃正白旗協領一員兼攝鑲藍旗佐領圖記 鑲白正藍旗協領一員兼攝

正黃旗佐領圖記 正黃正紅旗協領一員兼攝

正白旗佐領圖記 鑲紅鑲藍旗協領一員兼攝

佐領八員 鑲黃正紅正藍鑲紅實置正白正黃鑲白鑲藍協領兼攝

防禦十六員 每旗上甲喇一員 下甲喇一員

驍騎校十六員 每旗上甲喇一員 下甲喇一員

將軍衙門筆帖式一員

步軍營 原水師旗營光緒九年改爲步軍營

協領一員

左翼佐領一員

右翼佐領一員

防禦二員

原分左右翼每翼一員今改為鑲黃旗一員正黃旗一員

驍騎校六員

原分左右兩翼每翼三員每翼一員今改為正白鑲白正藍正紅鑲紅鑲

藍每旗

一員

合滿漢八旗及步軍營職官共九十三員

另世職應襲滿

漢現計有

二十三員

兵額

滿洲八旗領催一百二十名

每旗十五名

前鋒一百五十名

每旗十九名惟兩藍旗十八名

馬甲七百三十名每旗九十一名
惟兩藍旗九十二名

弓匠八名每旗一名

銅匠一名八旗
公缺

鐵匠四名每二旗一名

副甲二百名每旗二十五名

無米礮手一百二十名每旗十五名

養育兵四百名每旗五十名

餘兵二十名正白鑲白正藍鑲紅每旗三名
鑲黃正黃正紅鑲藍每旗二名

增設洋操餘兵四十名每旗五名

合滿洲八旗兵丁共一千七百九十三名

漢軍八旗領催一百二十名每旗十五名

馬甲一千一百八十名鑲黃正黃鑲白鑲紅各一百四十八名正白正紅

正藍鑲藍各一百四十七名每旗各揀選五名作為步兵甲領催

駁手二十四名每旗三名

弓匠八名每旗一名

銅匠一名八旗公缺

鐵匠四名正白正紅正藍鑲藍每旗一名

副甲二百名每旗二十五名

隨印外郎四名每兩旗一名

無米駁手二百八十名每旗三十五名

餘兵二百八十名每旗三十五名

無米養育兵一千一百一十一名鑲黃旗一百八十三名正白

旗一百四十二名 鑲白旗一百二十八名 正
 藍旗七十一名 正黃旗二百六十一名 正紅
 旗一百三十七名 鑲紅旗九十九名 鑲藍旗
 九十名

增設洋操餘兵一百六十名 每旗二
 十名

合漢軍八旗兵丁共三千三百七十二名

步軍營 原水師旗營光緒
 九年改設步軍營

步軍領催 原水師領催今三十名 左翼公缺一
 名 右翼公缺一

鑲黃鑲白正黃鑲藍每旗三名
 正白正藍正紅鑲紅每旗四名

步甲四百名 每旗五十名光緒九年
 由漢軍八旗撥入本營

新改步甲 原水師兵今四百七十名 鑲黃六十
 名 正白五十八

名 鑲白六十名 正藍五十七名 正黃五十
 八名 正紅六十名 鑲紅五十八名 鑲藍五

十九
 名

副步甲

原副工兵一百名木匠二名

合共一百

零四名

鑲黃十三名 正藍十四名 正白十三名 鑲白十二名 正黃十四名 正紅

十二名

鑲藍十三名 鑲紅十三名

合步軍營兵共一千零四名

通合滿漢八旗及步軍營兵共六千一百六十九

名

官額增損原委

謹按協領兼管佐領乾隆四十三年奉文各省駐防本旗協領不得兼管本旗佐領必須調翼兼管於公事乃有稽查遂因定為經制焉

將軍衙門筆帖式

謹按康熙二十年漢軍八旗駐粵之始原額筆帖式左翼一員右翼一員八旗公缺一員共三員嗣因乾隆二十一年滿漢兼駐裁汰一員餘二員改爲滿洲一員漢軍一員

委署驍騎校委前鋒校

謹按嘉慶二十五年三月奉文滿漢八旗每旗加增委署驍騎校各二員水師旗營四員共三十六

員

內水師四員今改爲步軍

滿洲八旗每旗加增委前鋒校二

員共十六員均准戴用八品頂戴仍食本身錢糧與官員一體差使此項缺卽在前鋒領催內挑補道光二年八月奉文委署驍騎校履歷一體造入

經制冊內各在案既食本身錢糧自應仍歸兵額
第以奉文予以品級與實官一律當差且列名經
制是額雖在兵而有官之目特附於此

水師旗管職官

改步軍
案附

謹按乾隆十一年添設水師旗營額設協領一員

佐領二員防禦二員驍騎校六員

按設立水師之
始職官悉是漢

軍乾隆二十一年滿漢兼駐協領定為滿缺佐領
滿漢各一缺防禦滿漢各一缺驍騎校滿漢各三

缺至乾隆五十九年經將軍福昌
奏准所有協領佐領等缺均在本營漢軍人員挑補

附原案乾隆六十年二月內承准
軍機處咨開乾隆五十九年十二月內據福昌等

奏前事一摺奉

硃批軍

機大臣議奏欽此欽遵該臣等議得據福昌等奏

稱水師旗營原設滿洲協領一員佐領一員防禦
一員驍騎校三員漢軍佐領一員防禦一員驍騎

旨遇有

校三員遇有缺出各在本營揀選但漢軍佐領並
無陞途在於陸路協領缺內補放後因滿洲丁少
考驗無人經前任將軍明福奏准暫將漢軍壯丁
挑補俟滿洲壯丁生齒日繁照數頂補現在水師
旗營俱係漢軍挑補今該管協領六十五因病告
休滿洲佐領太病故若將此二缺補放除滿洲
防禦一員外再無應挑之員務在陸路之員挑取
其本營漢軍佐領反候陸路協領之缺今該管既
盡挑漢軍之人官員亦當變通辦理奴才等請將
現在滿洲防禦一員驍騎校三員仍留本營陞用
外嗣後遇有缺出俱揀選本營人員則挑選得人
而所放之員俱係本營諳練之人於訓練兵丁大
有神益倘本營官員遇有事故之一時乏人再由陸
路漢軍人員揀選將來滿洲壯丁師繁衍再行請
缺出照數頂補等因查廣州水師旗營原立有滿
漢各官管理各兵後因滿洲壯丁師短少經前任將
軍明福始行具奏通融辦理水師旗營全將漢軍
之人挑補至官員之缺若拘泥以爲滿缺務在於
滿洲陸路人員內挑補不但諸水務而且訓練
兵丁未能有益況該營漢軍佐領並無陞途俟有
陸路協領缺出方行挑補係本營暫行挑補漢軍
陸路不如將此等之缺卽留本營暫行挑補漢軍

皇上睿鑒

訓示遵行謹

奏乾隆五十九年十二月二十七日

奏奉

旨依議欽此

奏

光緒八年九月將軍長善副都統尙昌懋鍾泰等

裁撤水師船隻改歸陸路操防案內附片具

查漢軍八旗舊有步甲四百名月支餉米與水師

兵相同另立步營操演長矛刀牌等技所管之協

佐防校等官係在漢軍八旗選派兼管然兵額太

少不能成隊今議將水師營改爲步軍營並將舊

有步甲亦令歸併合爲一營以厚兵力而資捍衛

水師原設協領一員佐領二員防禦二員驍騎校四

六員共官十一員領催三十名內委署驍騎校四

名水師兵四百七十名副工兵一百名木輪匠四

駐粵八旗志

卷一

官兵額設

七

名共領催兵六百零四名擬請將水師營協佐防
校改爲步軍營協佐防校其領催三十名內有委
署驍騎校四名改爲步軍營領催步軍營委署驍
騎校水師兵四百七十名改爲步甲連舊有之步甲四百
匠壹百零四名改爲副步甲連舊有之步甲四百
名統計官兵共有一千一十五員名作爲一營按
左右兩翼分爲八旗合協領一員統管每翼設佐
領一員管轄本翼四旗鑲黃正黃兩旗各設防禦
一員其餘六旗合驍騎校六員分別管理以專責
成等因附奏光緒九年五月准兵部咨會同戶禮
工三部議覆均如所擬辦理等因光緒九年四月
初一日具

奏奉
旨依議欽此

旗民理事同知

謹按理事同知一員專管硝磺鉛彈八旗官兵米

石按永豐倉原設大使一員專司八旗米石向歸
督糧道管理至乾隆三十年經總督楊應琚奏

改理事同知專管及旗民交涉事件當駐防之初
裁撤倉大使一缺

遇有旗民爭訟等事將軍於八旗防禦內擇其通曉案牘者揀派一員審理自設理事同知後凡有訟獄檄飭同知承審焉

兵額增損原委

謹按康熙二十二年原額領催九十五名馬甲二千九百零五名礮手二十四名弓匠十六名合共三千四十名二十三年在原額馬甲內挑選領催二百二十五名連原額領催共三百二十名

每族五甲

喇共領催四十名

馬甲實二千六百八十名

乾隆二年增設隨印外郎八名

每旗一名

六年增添礮

手六名鐵匠八名銅匠二名

原額增設通共三千六十四名

乾隆二十一年裁汰漢軍之半派撥滿洲兵來粵

合駐將漢軍出旗兵額卽以滿兵頂補舊制漢軍

領催三百二十名內裁汰八十名留二百四十名

滿洲頂補領催一百二十名

每旗十名
五名

頂補馬甲一

千三百八十名內改設前鋒一百五十名漢軍留

領催一百二十名

每旗十名
五名

馬甲一千三百八十名

原額弓匠十六名改爲滿漢各八名鐵匠八名改

爲滿漢各四名銅匠二名改爲滿漢各一名漢軍

礮手三十名裁汰六名實留二十四名隨印外郎

八名裁汰四名實留四名滿洲八旗實在領催一

百二十名前鋒一百五十名馬甲一千二百三十名弓匠八名鐵匠四名銅匠一名共額兵一千五百一十三名漢軍八旗實在領催一百二十名馬甲一千三百八十名礮手二十四名弓匠八名鐵匠四名銅匠一名隨印外郎四名共額兵一千五百四十一名滿漢通共三千五十四名

乾隆二十一年派撥滿洲來粵將軍李侍堯奏在

頂補額兵千五百名內挑選百五十名立爲前鋒

營

每旗十九名正藍鑲藍兩旗各十八名

派協領一員佐領二員專

管防校內每翼派一員分理營務是爲前鋒章京

嗣於道光十九年經將軍德克金布查原設委署

前鋒校一項遺漏未給頂戴復將滿洲八旗委署
前鋒校十六名每旗二名咨部補給頂戴奉部覆准仍
食本身錢糧隨營當差分各旗管帶

乾隆二十一年滿洲奉派來粵頂補漢軍兵額除
前鋒領催外實馬甲一千二百三十名旋自二十
八年八月至三十年四月迭經奏撥另記檔案人
等轉補十七營馬步糧缺補糧後出旗爲民以故
兵額懸空過多先於二十八年將軍明福奏請揀
派京兵二百五十名來粵頂補懸缺三十一年復
經將軍楊甯以兵額尙懸又奏調京兵二百五十
名來粵頂補先後共調京兵五百名仍不足駐防

兵數而京旗實難抽撥亦未便再行奏請於是挑補甲缺未免遷就三十三年將軍增海將年幼身弱披甲者二百餘名奏請革退其時並無壯丁挑補遂將甲缺停扣積至四十一年計空四百二十六缺經將軍鎮國公永瑋奏留一百二十六缺俟將來及歲壯丁挑補其餘三百缺改設養育兵四百名實存馬甲九百三十名嗣於五十三年八月經將軍善德復以積年無壯丁挑補馬甲遺缺奏明停扣至五十八年十二月又已積至二百五缺經將軍福昌於五十九年疏請將懸空滿洲馬甲二百五缺內將二百缺改爲副甲四百缺以二百

缺撥給漢軍壯丁挑補其餘仍在滿洲及歲壯丁挑補一百七缺外尙空九十三缺暨馬甲五缺則自六十年起至嘉慶二年始在滿洲及歲壯丁內陸續挑補足額先後裁改滿洲馬甲共五百缺現在實存馬甲七百三十缺每旗各九十一名兩藍旗各九十二名

以前鋒各少一缺也

乾隆二十一年因滿洲派撥駐粵分漢軍兵額之半漢軍八旗除領催一百二十名實馬甲一千三百八十名嗣於三十四年經將軍增海疏將漢軍馬甲二百缺改爲步甲四百名現在實存馬甲一千一百八十名鑲黃正黃鑲白鑲紅四旗各一百

四十八名

以四旗皆無鐵匠也

正白正紅正藍鑲藍四旗各

一百四十七名

以四旗各有鐵匠一名也

康熙二十一年派撥漢軍兵駐粵原額礮手二十

四名乾隆六年增設六名共三十名及二十一年

因滿漢兼駐更易兵額裁汰六名仍復初制二十

四名

每旗三名

康熙二十一年初派漢軍兵駐粵原設弓匠十六

名乾隆六年增鐵匠八名銅匠二名迨滿漢合駐

改定兵額遂將弓鐵銅匠分爲滿漢各半弓匠滿

漢每旗各一名銅匠滿漢各俱作爲八旗公缺鐵

匠滿洲每二旗一名輪流挑補漢軍卽歸正白正

紅正藍鑲藍四旗

以四旗馬甲
悉少一缺也

滿漢副甲每旗各二十五名

原委詳滿
洲馬甲

乾隆二十三年奉文裁汰軍標將軍遂無步營經將軍增海奏以漢軍馬甲二百缺改爲步甲四百名每旗五十名於馬甲內挑選五名作爲步甲領催別爲一營曰步軍統以協領每翼各派佐領一員兼攝四旗又於八旗防校內每旗派一員分管乾隆二年將軍阿爾賽疏照福州駐防之例漢軍八旗增設隨印外郎各一名由將軍考取國語明晰之官學生充補八年期滿考試清漢文義兼曉者咨部照例註冊以縣丞選用若止曉清文弓馬

可觀者俟有領催缺卽行拔補嗣於八年十二月初二日准福州將軍咨准兵部咨隨印外郎月支餉銀二兩並無米石行走未免拮据轉不如閒散得以隨時挑補馬甲拔補領催應請畧爲變通除情願在外郎上行走俟八年期滿以縣丞選用外其情願隨壯丁挑補馬甲拔補領催者亦不論年限遇有四旗公缺馬甲卽行隨時挑補等語至二十一年以滿洲來粵更定各項額缺裁汰四名改爲每二旗一名現實四名

道光二十一年九月經將軍阿精阿疏將滿漢八旗額馬九百六十四匹內裁減四百六十四匹變價卽

在每月節省料草銀八百二十八兩內將二十八兩留爲操演礮位犒賞之用餘八百兩作爲兵餉添設無米礮手四百名滿洲挑補一百二十名每旗十五名漢軍挑補二百八十名每旗三十五名道光十七年將軍蘇勒芳阿奏准將藩庫存儲八旗馬價項下撥銀一萬兩交商每兩一分行息月得息銀一百兩添設餘兵一百名滿洲挑補二十名漢軍挑補八十名

咸豐五年將軍穆特恩以四年剿捕紅巾逆匪省垣兵單飭令漢軍餘丁協防助剿最爲得力嗣以獎勵無缺疏請將前任將軍慶保所借藩庫銀八

萬兩發商生息每年以三千兩歸還原本項下每年撥銀二千四百兩遇閏撥銀二千六百兩添設漢軍餘兵二百名卽在出力餘丁內擇尤拔補前後奏增餘兵共三百名滿洲挑補二十名每兩旗五名

漢軍挑補二百八十名每旗三十五名

滿洲養育兵每旗五十名原委詳滿洲馬甲

嘉慶十五年將軍慶溥以漢軍丁口繁多疏請將藩庫現存八旗各兵馬價穀價共銀四萬六千二百餘兩提交鹽典二商按照一分二釐行息月可得銀五百五十五兩四錢零在於漢軍精壯閒散內添設無米養育兵一千一百一十一名鑲黃旗一百八

十三名正白旗一百四十二名鑲白旗一百二十八名正藍旗七十一名正黃旗二百六十一名正紅旗一百三十七名鑲紅旗九十九名鑲藍旗九十名每名月給銀五錢按各旗丁之多寡均分挑補以資養贍

嘉慶二年將軍福昌奏准查滿洲已設有養育兵錢糧其窮苦者無虞失所惟漢軍駐防年久生齒日繁所有鰥寡孤獨殘廢人等無依者甚多會商督撫查有普濟堂經費等數款除支銷外每年可餘銀萬兩左右卽在此項經費餘款內每名每月賞銀一兩作爲孤貧錢糧現在每月散放五百九旗七十五分鑲白旗六十三分正藍旗三十四分正黃旗九十五分正紅旗六十分鑲紅旗四十六分鑲藍旗四十六分

光緒七年將軍長善奏准洋槍隊並無餘兵如遇
病亡遽補生手貽誤非輕在於右司由善後局每
月領回犒賞六百兩歷年節餘款內以一萬兩發
商生息添練洋操餘兵二百名滿洲挑補四十名
每旗漢軍挑補一百六十名

每旗二十五名

步軍營原係水師旗營乾隆十年經將軍策楞奏
准照福州之例設立水師官兵十一年將軍錫特
庫立營分爲兩翼每翼三纛共爲六纛領催三十
名兵四百七十名光緒九年將軍長善奏改步軍
營按左右兩翼分爲八旗領催三十名改爲步軍
領催兵四百七十名改爲步甲連漢軍八旗舊有

之步甲四百名一併撥入本營新舊步甲合共八

百七十名

謹按立水師之初除由軍標各營食糧旗兵拔補水師兵七十名其餘悉在漢

軍八旗壯丁內挑補乾隆二十一年滿兵來粵經

署將軍李侍堯

奏

准將水師兵額改為滿漢各半二十七年經將軍

明福因滿洲壯丁乏人

奏

准暫在漢軍壯丁挑補俟滿洲生齒繁衍再行照

數頂補

副步甲

原副工兵一百名木匠二名船匠二名光緒九年改步軍案內一律改為副步甲

合共一百零四名

謹按立水師之初係由香山虎門協廣海寨大鵬營撥來配船

教習水兵於乾隆十

九年經將軍錫特庫

奏

准酌留五十名其餘五十名遇有缺出在八旗壯

丁內挑補乾隆四十年經署將軍李侍堯

奏

准將酌留五十名撥回原營所遺副工兵缺亦在

漢軍八旗壯丁內挑補其木船匠四名原奏撥左

翼鎮屬各協營船二隻船隻者每船配木船匠各

師營內挑撥諳練修補船隻者每船配木船匠各

一名共木船匠十二名俾得教習新兵於乾隆十八年再次出洋著有成效復因本營兵少船多經將軍錫特庫

奏裁船船二隻配船之木船匠亦各裁減二名實留

船船各二隻木船匠各四名迨乾隆四十一年

經署將軍李侍堯以繪船船各一隻足敷本營配

駕餘二隻悉行裁汰所配木船匠各二名亦應隨

船裁撤實存繪船一隻船船一隻配船之木匠二

名船匠二名光緒九年將軍長善仿照金州成案

畧加損益將繪船一隻船船一隻將船四隻全行

裁撤配船之木匠二名

船匠二名改為副步甲

委署驍騎校四員

嘉慶二十五年奉准部咨於水師領催內揀選四人准用八品

頂戴仍食本身錢糧隨同官員一體差委光緒九

年改步軍案內將該四員改為步軍委署驍騎校

裁撤水師旗營改設步軍營

謹按廣州駐防於乾隆十一年設立水師旗營嗣經十八年及四十一年兩次裁汰後額設協領一員佐領二員防禦二員驍騎校六員領催兵副工兵木船匠共六百零四名留繪船一隻艍船一隻槳船四隻俱灣泊省河平日在內河操練鳧水放槍闖械爬桅等技藝並令隨同陸路各兵操演擡槍鳥槍準的每年九月間前往虎門洋面與水師提督兵丁會操一次同治十年九月經將軍長善親率各船出洋操演詳加體察已見繪船各船駛行遲慢無裨實用暫依舊制略予變通酌加篷索

銀兩俾得稍利駛行並請嗣後每年九月專歸副都統輪流帶各船前往虎門外海洋面操演屆期咨會督撫派撥輪船隨同保護各情

奏明在案迨光緒七年十月內因大學士直隸總督李鴻章附片奏請裁撤金州旅順口水師船隻兵部會議覆奏如所請行並聲明沿海各省額設戰船廢置無用者亟宜變通舊制分別裁撤請旨飭下各將軍督撫懷遵光緒六年

諭旨將應裁戰船若干隻卽行具奏一面將所裁各船及隨船裁減之官兵軍械各數目咨報以昭覈實而節虛糜等因具奏奉

旨依議欽此欽遵咨行到廣經將軍長善與副都統尙
昌懋鍾泰悉心籌酌疊次覆

奏奉

旨允准遂於光緒九年八月初一日起將水師營改爲
步軍營一切章程散見於官兵額設建置經政各
條茲特詳其原委備載部文及摺奏附片原文以
資考覈焉

附部文 兵部戶部工部謹

奏爲遵

旨議奏事軍機處交出大學士直隸總督李鴻章奏裁
撤師船一片光緒七年十月十三日奉

旨該部議奏欽此欽遵交出到部據原奏內稱臣前往
旅順口見有水師艇船數隻膠欄沙灘並無帆檣
破位鈔朽多年未曾出海詢之旗營協領卽該處
兵船隸於金州副都統者也例以旗兵五百駕之

僅每歲夏間出洋巡哨一次初因旅順口無工料奏派浙閩兩省每年各造新船一隻歲送修理舊船油蘇料若干所費不貲而此項師船行海笨帶本不堪用旗營弁兵疲弱久廢操演有名無實於義何取旅順瀕臨遼海誠為緊要口岸今臣既派提督丁汝昌統領快船駛駐該處隨時出海梭巡足壯聲勢近年內外臣工多建議裁撤沿海各種笨船抵養輪船經費洵為救時要政臣日擊旅順口原設師船實屬虛糜無益應請

旨飭下戶兵二部暨

盛京將軍實事求是立予裁撤其擱置沙灘之廢船即交丁汝昌體察情形或酌留為練船裝存軍火之用或量予拆變至旅順口巡海防務嗣後即責成駐泊該處之兵輪船兼顧不致貽誤所有原定駕船之旗營弁兵仍令照管陸路巡防較有實際等因查軍器則例內開金州水師營額設戰船十隻每船派撥官一員領催兵五十名水兵十名並配船軍械數目各等語臣部前准軍機大臣字寄光緒六年正月二十二日奉

上諭昨日據王大臣等奏議辦邊防請籌餉節流等語沿海各省向有額設外海水師原為平日綏靖海疆之用自輪船駛行後此項戰船全無所用亦宜變通

舊制分別裁汰各該將軍督撫日擊時艱餉需支絀諒能破除情面實力奉行於奉旨一月內迅速妥籌具奏一面咨報戶兵二部由該部隨時稽察等因欽此欽遵在案是此項戰船之無用早在

聖明洞鑒之中今李鴻章日擊情形奏請裁撤洵屬實事求是應如所請立予裁撤其巡海防務嗣後即責成駐泊該處之兵輪船兼顧毋稍貽誤所有原定駕船之旗營弁兵前據

盛京將軍奏稱額設多年實難裁減亦應如該督所

請仍令照管陸路巡防其如何酌撥之處由該將

軍奏明辦理至所稱攔置沙灘之廢船即交丁汝

昌體察情形或酌留為練船裝存軍火之用或量

予拆變等語工部查該順口水師戰船既據直隸

總督奏明裁撤應令該將軍將所裁船隻分別已

修待修款目及收存物料等項一併覈實估變至閩浙

二省應行辦解物料等項已辦者毋庸解運即由

該省就近估變未辦者即行停止其變價數目應

由該督撫將軍等據實分晰造冊報部查覈戶部

查直隸總督李鴻章奏請酌裁金州屬旅順口水

師戰船並將原定駕船之旗營弁兵仍照管陸路

巡防查金州水師營弁兵歲支餉米一千四百二

十三石七斗五升銀六千四百七十一兩今既改
為陸路巡防應將歲支餉米停領其應領餉銀查
照該省旗兵章程折放至該營水師戰船既已裁
撤其原設駕船水手舵工等歲支口糧並支領修
船工費等項銀米應卽一併停止以節糜費仍將
留防陸路旗營弁兵每歲實支餉項數目及所裁
船隻收存物料變價各數並令該將軍分別詳細
聲覆專案報明戶部查覈臣等更有請者旅順口
師船情形如此恐沿海各省額設戰船似此廢置
無用者正不知凡幾亟宜變通舊制分別裁撤相
應請

旨飭

下各將軍督撫懷遵光緒六年正月欽奉

諭旨

將應裁戰船若干隻卽行具奏一面將所裁各船
及隨船裁減之官兵軍械各數目咨報臣部以昭

旨議

覈實而節虛糜所有臣等遵

聖鑒

訓示遵行再此摺兵部主稿會同戶部工部辦理

合併聲明謹

奏

光緒七年十二月十九日奏奉

旨依

議欽此

附原奏光緒八年二月十三日 奴才長善尙昌懋
鍾泰等跪

奏為查明廣州駐防額設旗營水師官兵船隻現擬變通裁改緣由恭摺具

奏仰祈

聖鑒事竊奴才等於光緒八年正月二十六日接准兵

部火票遞到兵部咨行會議直隸總督李鴻章奏

請裁撤旅順口水師船隻一片聲明沿海各省額

設戰船廢置無用者亟宜變通舊制分別裁撤請

旨飭下各將軍督撫遵光緒六年正月欽奉

諭旨將應裁戰船若干隻即行具奏一面將所裁各船

及隨船裁減之官兵軍械各數目咨報以昭覈實

而節虛糜等因奉

旨依議欽此欽遵咨行前來奴才等詳查廣州駐防乾

隆十一年設立水師旗營額設協領一員佐領二

員防禦二員驍騎校六員領催兵副兵木船匠

共六百一十二名原設船二隻船二隻船四隻船

六隻船二隻船二隻船二隻船二隻船二隻船二隻

次裁汰實存領催兵木船匠共六十六名零四改設

省河平日在內河操練水打槍關械爬桅等技

藝並令隨同陸路各兵操演擡槍鳥槍準頭每年

九月間前往虎門洋面與水師提督兵丁會操一

次此旗營水師向來之章程也奴才長善到任後

奏

查各船損壞未經修復停止會操二十餘年當卽會商督撫將水師船隻次第修造完竣奴才長善於同治十年九月親率各船出洋操演詳加體察因見給船船隻雖經由外海不過繞越而行極行遲慢槳船係由內河行走會操仍在海口以內所操者仍係關械爬桅等技與內河相同殊屬無裨實用不得已暫依舊制畧予變通酌加遼索銀兩稍利駛行並請嗣後專歸副都統輪流統帶各船前往虎門外海演屆期杏會督撫派撥輪船隨同保護會於同治十年九月內

督駕駛船隻甚屬笨滯較之輪船大相懸殊究其故並非蓬索之不堅人力之不至實緣船皆舊式運掉不靈全視風力之順逆爲行船之進止槳船又隻樣太小祇堪在內河配駕不能遠涉外洋奴才等目睹情形久欲講求良法易舊國新會屢與督撫臣會商無如庫款支絀應辦緊要事件甚多急切經費難籌不能及時興舉是以暫從緩議茲奉前因奴才等復加體察廣州地居海濱華洋雜處兼之盜賊出沒無常一切巡防彈壓水師尤重於陸路旗營水師經制額兵雖僅六百餘名而設立將二百年駐防海疆誠不可少況兵皆強

壯水鄉習慣認真教練洵堪用以折衝惟化裁通變事貴因時若仍固執定章不思改換船隻匪但操防有名無實且按期修理依限拆造所費亦屬不菲當茲籌辦海防博節經費之際豈可以有利用之兵有用之貲皆置之無用之地漢軍計萬餘戶口開散甚多倘竟將此官兵悉行裁汰固於體制生計攸關無此辦法卽使改歸陸路而漢軍八旗驟添官兵六百餘員名一切餉項均須酌量增改仍非體國節用之道是額兵無可裁減而船隻必須另籌且奴才等駐紮海邦職司鎮守亦不可無一兵輪船練兵數百名以備緩急之用奴才等再四思維勢難仍事延緩自應據實陳明量爲籌辦擬請將續購船二隻漿船四隻全行裁撤變價存庫另籌更換輪船一隻大拖船一隻長龍快船四隻配用洋礮分置官兵訪求通曉之人教習駕駛迴環進退之法並遇敵開仗放礮取準之方久之官兵習熟自爲經理餉項自不致虛糜如此量爲變通設法籌辦所需經費無多則船皆利便兵能適用庶於整軍經武實事求是平時臨事均有裨益如蒙

俞允

奴才等再與督撫臣會商通盤計畫籌款購置船礮並將每年應支蓬索口糧銀兩及遇小修大修

拆造等項用款酌議停止另定以輪拖船承人經費傳節覈實詳立章程
奏明辦理所有奴才等詳查旗營水師船隻變通裁改現擬籌辦緣由謹恭摺具陳伏乞

太后

皇上聖鑒訓示謹

奏軍機大臣奉

旨該部議奏欽此

又光緒八年九月二十五日奴才長善尙昌懋鍾

泰等跪

奏為查明輪拖等船所需經費銀兩數目恭摺具陳

仰祈

聖鑒事竊於光緒八年七月初三日准兵部咨開內閣

抄出廣州將軍長善等奏旗營水師官兵船隻變

通裁改一摺光緒八年三月二十二日軍機大臣

奉

旨該部議奏欽此欽遵抄出到部查原奏內稱繪船各

船甚屬笨滯槳船又隻樣大小不能遠涉外洋請

將繪船船二隻槳船四隻全行裁撤係為樽節虛

糜起見應如所奏辦理至旗營水師經制額兵據

原奏內稱駐防海疆誠不可少漢軍計萬餘戶開

散甚多未便悉行裁汰等語亦屬實在情形查上

年議裁旅順口戰船副據

盛京將軍崇綺奏稱戰船既經裁撤原設駕船弁兵

自應在於陸路扼要巡防等因奉

旨著照所請該部知道欽此廣州旗營水師與金州事

同一律似可仿照辦理應令該將軍悉心妥籌卽

行具奏其所稱更換輪船一隻大拖船一隻長龍

快船四隻究需經費若干永遠經費若干倘所費

不貲轉非樽節之道相應請

旨飭下該將軍會商督撫臣通盤籌畫詳細奏明再行

覈辦等因於光緒八年五月二十三日具

奏奉

旨依議欽此欽遵並將崇綺等原奏一併抄錄咨行前

來奴才等查廣州駐防旗營水師原爲捍衛海疆

而設所配之船艦等船在從前頗屬可用而今昔

情形不同固執成法殊不足恃況旗營水師係乾

隆十一年設立迄今百有餘年四地因時亟宜撥

換有用之船講求攻守之法又何敢苟且遷就將

水師一營輕言裁改故奴才長善等十餘年來體

查情形見舊式船隻遲笨礮火亦不合用設於洋

面遇敵必不能期制勝所爲日夜焦思必欲將水

師船隻另籌更換認真整理而後安者也現在部

議輪拖等船需費若干永遠經費若干俟奴才等

詳網奏明再行覈辦查現時水師非輪船不足利
用卽最小者亦須十四五丈之長方能得力然亦
不過僅走近海尙不能駛赴遠洋若遇戰陣非二
十丈以外者不能克敵制勝卽以十四五丈之輪
船而論在洋人製造工價增昂頗難數計就目下
廣東情形僱覓內地工匠製造一隻約需銀二萬
餘兩每一輪船另招諸練之人駕駛凡各項薪工
月需銀一千餘兩其中如水手礮手木匠等項旗
兵學習數月尙可知其端倪若管駕管輪等技卽
練習數年猶恐未能得其奧妙是永遠經費必須
籌措難以驟減者若大拖船一隻約需銀三千兩
長龍快船四隻約需銀二千兩統共製造經費約
需銀三萬兩其拖船快船諸項永遠經費每年不
過用銀一千兩而輪船雜用並薪工永遠經費每
年約需銀一萬數千兩均係覈實力求節省較之
南北洋每船費用甚少不能再減惟各船礮火經
費不能懸揣尙不在此數內伏思旗營水師官兵
實有六百一十五員名必得輪船一隻大拖船一
隻長龍快船四隻始敷分佈一經更換其配船之
兵丁亦須加給口糧方能責令認真學習不致日
久遷延迄無成效此船隻經費之外猶須籌畫各
兵津貼者也似才等與督撫臣切實會商際此海

皇太后

奏伏乞

皇上聖鑒飭部議覆遵行謹

奏軍機大臣奉

旨該部議奏片併發欽此

同日附片具

奏再廣州駐防旗管水師更換輪拖等船所需經費

數目已於摺內詳細聲明惟是需用浩繁誠如部

議轉非撙節之道如才等再四思維與其因輪船

經費浩繁僅用拖船長龍等船猶未必能得實濟

莫若仿照金州成案畧加損益轉瞬可見其功但

金州與廣州情形不同金州水師向有水汛分佈

巡防一經改爲陸路以後洋面島嶼沿海口岸如

有盜賊隨時知會輪船往緝係水師之名雖改而

其實尙存廣州旗管水師船隻不過灣泊內河按

期操演水面技藝每年十月間出洋會操一次至

於港汊水汛均歸綠營水師專管旗營水師並無
管理之責今若改爲陸路必須練習陸路技藝分
佈城上下巡防如此辦理則旗營水師不惟無實
亦且無名矣然因地制宜猶有變通以盡利者查
漢軍八旗舊有步甲四百名月支餉米與水師兵
相同另立步營操演長矛刀牌等技所管之協佐
防校等官係在漢軍八旗選派兼管然兵額太少
不能成隊今擬將水師營改爲步軍營並將舊有
步甲亦令歸併合爲一營以厚兵力而資捍衛水
師原設協領一員佐領二員防禦二員驍騎校六
員共官十一員領催三十名內委署驍騎校四名
水師兵四百七十名副工兵一百名木船匠四名
共領催兵六百零四名擬請將水師營協佐防校
改爲步軍營協佐防校其領催三十名內有委署
驍騎校四名改爲步軍營領催步軍營委署驍騎
校水師兵四百七十名改爲步甲副工兵木船匠
一百零四名改爲副步甲連舊有之步甲四百名
統計官兵共有一千一十五員名作爲一營按左
右兩翼分爲八旗令協領一員統管每翼設佐領
一員管轄本翼四旗鑲黃正黃兩旗各設防禦一
員其餘六旗令驍騎校六員分別管理以專責成
所有官員俸心馬乾米石及各兵餉銀米石並紅

白事賞項借項均照舊數支領挑選亦照舊章其
從前兼管步營之協佐防校等官均令毋庸管理
協領關防應請更鑄文曰廣州駐防步軍營協領
關防佐領二員向用木質鈐記現因兵額太多事
務較繁應請照八旗佐領之例鑄給圖記文曰廣
州駐防步軍營左翼佐領圖記一顆廣州駐防步
軍營右翼佐領圖記一顆由部頒發以昭信守至
步軍營各兵以練習刀矛藤牌爲先務四廣東地
方山多路狹蹊徑紛歧寬平大道甚少往往有槍
礮所不能施者現在所習之洋槍礮及擡槍各陣
並無短兵相輔似於武備尙有未全茲擬操演步
隊練成一軍以輔洋槍礮臨敵逼近之用如此則
費不虛糜事歸實濟於庫欵兵制均屬合式抑如
才等更有請者旗營水師每年向在旗庫支領製
造火箭銀一十六兩操演子母礮藥鉛銀十兩公
費銀一百一十五兩六錢零又在藩庫支領出洋
會操口糧及蓬索銀四百九十二兩八錢零現在
改設步軍營其各項操藝必須勤加訓練期裨實
用自應籌加經費如才等隨時分別優劣施以賞
罰庶兵丁等得有獎勵自必鼓舞舞練習踴躍用命
以冀獲日益精強之效如才等公同妥商擬請嗣
後仍懇

天恩將每年旗庫應支銀兩除製造子母礮藥鉛銀十兩仍另支給外其餘銀一百三十一兩藩庫應支銀四百九十二兩不必分晰製造火箭更換蓬索等名目一併照舊領回作為操演一切費用至船船各一隻漿船四隻既經裁撤每屆大修小修及折造年分俱毋庸議覈計每年節省經費甚屬不少其各船木料物件應移會督撫轉飭變價一併博節配船之槍礮等項火器於水陸均不適應用應行儲庫以昭慎重所有奴才等擬請將旗營水師改爲陸路各緣由愚昧之見是否有當伏乞

聖鑒飭部覈議施行謹

奏請

軍機大臣奉

覽欽此

又光緒九年八月初十日奴才長善尙昌懋鍾泰等跪

奏爲遵照部議將廣州駐防旗營水師改爲步軍現擬裁改事宜恭摺具陳仰祈

聖鑒事竊奴才等擬請裁撤水師船隻改爲陸路步軍一摺奉

旨該部議奏欽此茲於本年五月初九日准兵部火票遞到兵部咨開本部會議廣州將軍長善等所奏

均請如所擬辦理等因覆

奏奉

旨依議欽此抄錄原奏咨行前來以才等遵卽將水師額設繪船二隻漿船四隻全行裁撤移交督撫轉飭變價俟估後再由督撫報部查覈至配船之槍礮等項火器全行儲庫造具名目件數細冊咨部存案其水師協領佐領防禦驍騎校改爲步軍協佐防校水師委署驍騎校及領催改爲步軍委署驍騎校步軍領催水師兵改爲步軍副工兵木艙匠改爲副步甲並將漢軍八旗步甲歸併合爲一營自本年八月初一日起將水師營更改爲步軍營另立體制營政所有官兵員名數目備造清冊送部查覈立營之後當以操防爲急務現將各兵加派城上城下堆卡及旗營要隘地方輪班駐守加意巡防以期嚴密至各兵操演從前兼習擡槍及威捷隊洋槍陣式現在改練步軍毋庸令其兼顧另各選兵補數惟步軍隊伍之中似又不能無火器今擬除長矛刀牌外加以洋槍始能敵遠擊近運用無窮查該營官兵共有一千一十五員名若按期循常操演又不另立陣式認真講求臨事仍屬無用擬請將步軍營八旗仍分左右兩翼每翼兵丁各分中左右前後五哨配以七成長矛

藤牌三成洋槍逐日講求步伐陣式務使一律精
強遇有緩急進可以戰退可以守此其才等悉心
籌畫於洋槍擡槍陣之外猶欲練成全隊步軍以
爲逼近之用者也但水師原設之軍裝器械旗纛
等項俱係船上應用於陸路實不相宜其長矛藤
牌亦不適宜用俱請儲庫擬請另製旗纛長矛藤
號衣等項以資利用其應需洋槍毋庸另製即在
奴才長善前經捐辦一千桿內撥出應用所需藥
鉛仍隨同洋槍隊在於善後局支領所製造旗纛
長矛藤牌各軍器號衣等項共需銀一千一百三
十九兩零八分擬請在於右司旗庫籌備修補軍
裝項下動支造具製造各項細數清冊咨部查覈
再應行更鑄步軍營協領關防一顆佐領圖記二
顆尙未接到該管遇有呈報事件飭令仍用舊關
防圖記俟頒到新印時再將舊印分別咨送銷毀
合併聲明所有遵照部議將水師旗營改爲步軍
營併擬操演陣式緣由理合恭摺具

奏伏乞

皇太后

皇上聖鑒訓示謹

奏軍機大臣奉

旨該部知道欽此

戶口

謹按駐防之初漢軍八旗兵額三千乾隆中裁去其半發滿洲八旗兵一千五百名挈眷來粵其時合計滿漢男婦老幼不過萬餘名口厥後遞年加增難以悉載茲就現年冊檔覈計列其總數於左
光緒十年滿洲八旗男婦老幼共六千二百七十二名口

光緒十年漢軍八旗男婦老幼共二萬五千七百五十八名口

滿漢八旗男婦老幼通共三萬二千零三十名口

駐粵八旗志卷一終

駐粵八旗志卷二目錄

建置志

城圖

城防

城門

礮臺

街圖

地界

衙署

兵房

堆卡


柵欄


箭道

馬圈

應火援

城垣分汎圖





駐粵八旗志

卷二

建置

城防

謹按廣州城周一十二里半長二千二百八十四

丈有奇高三丈二尺垛口二千五十有五按舊制一千八百

百二十八有半礮房二百五十間安礮二百尊按舊制二百九十六

尊另八千觔大礮三尊均安放東北城同治四年二月添置正藍旗漢軍二

堆經管一尊鑲白旗漢軍堆卡四十間自裁汰軍標後旗營

僅有西南城十六堆至道光二十二年三月旗營接管全城時綠營舊堆止得二十一間不敷兵住

因添蓋三間連舊制滿舊制本歸軍標弁兵防守漢十六間共計四十間

乾隆三十三年奉文裁汰軍標後半歸旗兵自歸德樓

西邊起至西城樓歸滿洲自西城樓北邊起至大北樓東邊止歸漢軍各分入旗防守至乾隆五十

八年將滿洲懸空馬甲改設副甲後因滿兵半歸人少所有南城八堆悉歸漢軍貼其防守

廣協防守

自歸德樓東邊馬道起迤東北至大北樓東邊馬道止

道光二十

一年將軍阿精阿與總督祁項會疏將綠營裁撤

周城全歸旗兵分段防守自西城樓南至歸德樓

西一帶屬滿洲管理

綠道光二十一年奏增無米駁手四百名添防周城滿丁

既挑補一百二十名後漢軍貼防南城一帶仍歸滿洲八旗防守

自歸德樓東達

西城樓北屬漢軍管理光緒九年改步軍營案內

將漢軍八旗步甲四百名撥入步軍營漢軍兵數

較少乃以漢軍八旗西城八堆自西城樓北邊起

至大北樓西邊止改歸步軍營管理

滿洲八旗南城八堆

鑲黃旗堆

在歸德樓之西

正白旗堆

在梓德里上

正黃旗堆

在梓德里上

正紅旗堆

在橋上古

鑲白旗堆

在西拐角樓前

正藍旗堆

在小水關上

鑲紅旗堆

在安義街上

鑲藍旗堆

在西城上關帝廟南

漢軍八旗西城八堆

西城八堆於光緒九年改歸步軍營值班防守漢軍八旗

不與焉

鑲黃旗堆

在西城樓南

正白旗堆

在西城樓北

正黃旗堆

在西城根上

正紅旗堆

在空心裡前

鑲白旗堆

在盤福里上

正藍旗堆

在大坑上

鑲紅旗堆

在北水關上

鑲藍旗堆

在大北樓東

又漢軍八旗東南北城二十四堆

鑲黃旗頭堆

在歸德樓東

二堆

在馬鞍街南上

三堆

在仙湖街上

正白旗頭堆

在大南樓西

二堆 在大南樓東

三堆 在文明樓東

正黃旗頭堆 在大塘街上

二堆 在小南樓東

三堆 在貢院正對

正紅旗頭堆 在貢院東圍牆外

二堆 在貢院東圍牆尾

三堆 在大東樓北

鑲白旗頭堆 在三顆樹上

二堆 在五桂廟後

三堆 在空心樓東

正藍旗頭堆在空
心樓西

二堆在湛家園
永勝庫東

三堆在小北
樓東

鑲紅旗頭堆在小北
樓西

二堆在石渠洞
醫靈廟西

三堆在粵秀東
礮臺東

鑲藍旗頭堆在鎮海
樓東

二堆在神安
礮臺東

三堆在粵秀西
礮臺東

謹按各旗城堆各派領催兵五名輪班巡防特設
更籌每更五枝每夜按照更鼓分次走發沿垛傳

唱以次遞傳至五更止晨早尾堆攢齊送還頭堆
以備當夜傳遞云

城門

小北門鑲黃旗守之屬左翼

大東門正白旗守之屬左翼

小南門鑲白旗守之屬左翼

文明門正藍旗守之屬左翼

大北門正黃旗守之屬右翼

正西門正紅旗守之屬右翼

歸德門鑲紅旗守之屬右翼

正南門鑲藍旗守之屬右翼

謹按各城樓向派佐領防禦世職等員輪班住守
各城門則以滿漢防禦驍騎校一員專管之每門

派漢軍領催二名兵八名輪班嚴防以司啓閉門城

駐防初制本漢軍官兵防守迨滿洲兵兼駐後則改爲滿漢兼派嗣因滿洲兵少故領催兵專派漢軍官則滿其各門外壘城雖派撫標弁兵住守而

漢輪派

八門內外鑰匙仍歸將軍衙門收存各門五鼓赴

衙領匙黎明開城後卽呈繳每匙咸有陰陽信符

牌乾隆戊戌巡撫桂林以兩省差務紛繁夜有緊

急事件必請鑰於將軍每多延擱因奏請將正南

門鑰匙永交巡撫衙門收管由是正南一門之啓

閉歸撫標員弁職掌云

按外城由西南拐角樓起環繞至東南貢院前高墩

樓止長一千一百二十四丈高二丈八尺爲門八

西曰太平西之南曰竹欄油欄南曰靖海五仙永

清南之東曰永興東曰永安裕輅皆守以廣協弁兵

礮臺

神安礮臺

在粵秀山頂向歸廣協防守道光二十五年改歸水師旗營經管光緒九年改

水師爲步軍遂爲步軍營經管每班派官一員領催兵十名防守


粵秀山東土礮臺

粵秀山西土礮臺

二臺均道光二十一年增築漢軍八旗管埋東臺歸鑲黃正白

正黃正紅四旗西臺歸鑲白正藍鑲紅鑲藍四旗每臺每兩旗派領催兵五名輪班防守光緒九年均改歸步軍營派兵防守

旗境分界圖



駐粵八旗志

卷二

建置街圖

九

八旗地界

謹按省垣自大北門至歸德門止直街以西概爲旗境自九眼井街以東至長泰里復西至直街以東則屬民居旗境舊分八段乾隆丙子滿漢合駐遂分爲十六段如左

滿洲八旗地段

鑲黃旗由歸德門內梓德里起至上古里面城一帶至前鋒營箭道城根止

正白旗由象牙巷口起梳篦巷麻行街至詩書街南柵止

正黃旗由東絨線巷起白麋巷畢公巷止

正紅旗由大市街迤南起絨線巷走木巷竹篙巷
扁挑巷溫良巷南濠街西濠街七顆榕關路巷至
前鋒營箭道止

鑲白旗由大市街迤北起玉華坊米市街南仙鄰
巷南甜水巷南至滿洲副都統署東轅門止

正藍旗由滿洲副都統署西轅門起進士里南仙
羊街牛頭巷四棚門詩書街安義街大利巷小水
關止

鑲紅旗由雲臺里起南海學宮街米市街北光塔
街迤南一帶至仙羊街東北甜水巷北仙鄰巷北
進士里北至中棚止

鑲藍旗由光塔街南仙羊街北口起紙行街木牌坊蓮花巷白沙巷紅沙巷西城根一帶止

漢軍八旗地段

鑲黃旗由光塔街東頭路北一帶旋繞瑪瑙巷路東至北頭堆卡以南止又自西門直街營房外東頭路南轉花塔街至正黃旗接壤止界內則朝天街崔府街陶街忠襄里迴龍里

正白旗由瑪瑙巷路西起出繞西門直街路南一帶直達西門大柵腳轉蓬萊巷北折出蓬萊巷穿光塔街迤北直至瑪瑙巷尾鑲黃旗接壤止界內則擢甲里福地巷紙行街北半段

正黃旗由西門大街路北自光孝街口起至花塔街口止路南自鑲黃旗接壤起至正白旗接壤止界內則寶富巷書同巷淨慧街雲路街舊南海縣福泉街花塔街由鑲黃旗接壤起至正藍旗接壤止

正紅旗由光孝街南口起至北柵止界內則祝壽巷陶家巷甯家里胡衙西營巷繞出西城根福壽里西門大柵路北至光孝街口止

鑲白旗由光孝寺右蛋花巷起迤東至淨慧街路北轉至官塘街又西至盤福里雙社止又新街頭巷在正黃正藍二旗接壤內亦鑲白旗地

正藍旗由倉前街起至花塔街北大小茶樹巷復
北至百靈街藥王廟石馬槽牛巷大坑至添濠街
尾止

鑲紅旗由添濠街東頭至大北門直街路西一帶
周家巷西華一巷二巷至北水關止

鑲藍旗由蓮花井起至機巷德宣街榕樹巷徐家
巷清泉街大北門直街路東一帶止

衙署

將軍署在西門大街惠愛第三約貞烈坊前舊靖南王府康熙二十一年設將軍駐防廣州改爲將軍署

滿洲副都統署在大市街

漢軍副都統署在將軍署西

謹按將軍滿漢副都統署外尙有羣房餘地歸右司招租者編爲將字左字右字續左字續右字統計月租羣房共七百五十四號魚塘大小十口菜地十六幅又年租土房共九十三號空地十一段厠所二菜濠菜地四幅每年額收租銀二千七百

五十五兩零

經政畧載

其在旗境者不備載在民

境者將字菜地十五幅

一在大石街東計長二十五丈折寬十四丈一在大

石街西計長十四丈折寬十六丈五尺一在觀音

山脚計長七丈五尺折寬四丈八尺其餘十二幅

俱在小北門火藥局前共計魚塘八口小塘二口

長三十二丈五尺折寬十丈

東一長九丈二尺折寬六丈五尺一長六丈五尺

折寬六丈內有子塘三口零地一段又小塘二口

在大石街西一長十一丈四尺折寬九丈三尺一

長六丈五尺折寬六丈五尺內有零地二段又大

塘一口在大石街中長二十四丈五尺折寬十一

丈內有零地二段又大塘一口在小北門火藥局

前長三十丈九尺折寬六丈五尺又小塘一口在

小北門火藥局前長六丈五尺折寬三丈八尺又

小塘一口在觀音山脚長羣房三百八十二號內

四丈八尺折寬四丈八尺

十四號在大北餘俱在旗境左字薤菜濠一幅在大

門外雙井街

北門外金字灣長一百八菜地一幅在大北門外

十五丈六尺折寬五丈

百一十丈三尺羣房三百有三號內有十五號在西門外第二甫

折寬四丈一尺二十一號在桃源里俱月租三十六號在桃源里

十四號在宜民市四十三號在興隆社並空地十

段俱餘俱在旗境續左字廁所二一在西門空地

年租一幅羣房五十九號俱在旗境右字薤菜濠一幅

在西門外金字灣長二百零三丈七尺折寬五丈菜地一幅在西門外金字

灣長五十丈折寬四十七丈羣房七十九號俱在旗境續右字羣房

一百二十四號俱在旗境

鑲黃正白旗滿洲協領署在象牙巷

正黃正紅旗滿洲協領署在七顆榕

鑲白正藍旗滿洲協領署在安義街

鑲紅鑲藍旗滿洲協領署在南海縣學東

鑲黃正白旗漢軍協領署在朝天街

正黃正紅旗漢軍協領署在光孝街

鑲白正藍旗漢軍協領署在長泰里

鑲紅鑲藍旗漢軍協領署在添濠街

以上滿漢協領各四員每員官衙一所房五十

間

正白旗滿洲佐領署在西濠街

正紅旗滿洲佐領署在溫良巷

鑲白旗滿洲佐領署在玉華坊

鑲紅旗滿洲佐領署在米市街

鑲黃旗漢軍佐領署在光塔街

正紅旗漢軍佐領署在甯家里

正藍旗漢軍佐領署在倉前街

鑲紅旗漢軍佐領署在大北門直街

以上滿漢佐領各四員每員官衙一所房四十間

鑲黃旗滿洲上甲喇防禦署在梓德里

下甲喇防禦署在梓德里

正白旗滿洲上甲喇防禦署在梳篦巷

下甲喇防禦署在梓德里

正黃旗滿洲上甲喇防禦署在畢公巷

下甲喇防禦署在大市街

正紅旗滿洲上甲喇防禦署在大市街

下甲喇防禦署在詩書街

鑲白旗滿洲上甲喇防禦署在大市街

下甲喇防禦署在大市街

正藍旗滿洲上甲喇防禦署在仙羊街

下甲喇防禦署在四柵門

鑲紅旗滿洲上甲喇防禦署在雲臺里

下甲喇防禦署在紙行街

鑲藍旗滿洲上甲喇防禦署在紙行街

下甲喇防禦署在紙行街

以上滿洲防禦共十六員每員官衙一所房二

十八間

鑲黃旗滿洲上甲喇驍騎校署在梓德里

下甲喇驍騎校署在梓德里

正白旗滿洲上甲喇驍騎校署在象牙巷

下甲喇驍騎校署在關路巷

正黃旗滿洲上甲喇驍騎校署在絨線巷

下甲喇驍騎校署在白麋巷

正紅旗滿洲上甲喇驍騎校署在溫良巷

下甲喇驍騎校署在詩書街

鑲白旗滿洲上甲喇驍騎校署在米市街

下甲喇驍騎校署在大市街

正藍旗滿洲上甲喇驍騎校署在甜水巷

下甲喇驍騎校署在大市街

鑲紅旗滿洲上甲喇驍騎校署在雲臺里

下甲喇驍騎校署在雲臺里

鑲藍旗滿洲上甲喇驍騎校署在米市街

下甲喇驍騎校署在紙行街

以上滿洲驍騎校共十六員每員官衙一所房

十五間

滿洲筆帖式署在四柵門

以上滿洲筆帖式一員官衙一所房十五間

鑲黃旗漢軍上甲喇防禦署在朝天街

下甲喇防禦署在四牌樓

正白旗漢軍上甲喇防禦署在迴龍里

下甲喇防禦署在崔府街

正黃旗漢軍上甲喇防禦署在書同巷

下甲喇防禦署在雲路街

正紅旗漢軍上甲喇防禦署在光孝街

下甲喇防禦署在光孝街

鑲白旗漢軍上甲喇防禦署在盤福里

下甲喇防禦署在光孝街北橫巷

正藍旗漢軍上甲喇防禦署在淨慧街

下甲喇防禦署在淨慧街

鑲紅旗漢軍上甲喇防禦署在大北門直街

下甲喇防禦署在大北門直街

鑲藍旗漢軍上甲喇防禦署在機巷

下甲喇防禦署在德宣街

以上漢軍防禦共十六員每員官衙一所房二十八間

鑲黃旗漢軍上甲喇驍騎校署在崔府街

下甲喇驍騎校署在西門直街

正白旗漢軍上甲喇驍騎校署在西門直街

下甲喇驍騎校署在福地巷

正黃旗漢軍上甲喇驍騎校署在淨慧街

下甲喇驍騎校署在書同巷

正紅旗漢軍上甲喇驍騎校署在祝壽巷

下甲喇驍騎校署在陶家巷

鑲白旗漢軍上甲喇驍騎校署在淨慧街

下甲喇驍騎校署在淨慧街

正藍旗漢軍上甲喇驍騎校署在大北門直街

下甲喇驍騎校署在大茶巷

鑲紅旗漢軍上甲喇驍騎校署在大北門直街

下甲喇驍騎校署在榕樹巷

鑲藍旗漢軍上甲喇驍騎校署在蓮花井

下甲喇驍騎校署在蓮花井

以上漢軍驍騎校共十六員每員官衙一所房十五間

漢軍筆帖式署在迴龍里

以上漢軍筆帖式一員官衙一所房十五間
步軍營協領署在上古里

以上步軍營協領一員官衙一所房四十間
步軍營左翼佐領署在詩書街

步軍營右翼佐領署在福地巷

以上步軍營佐領二員每員官衙一所房二十四間

步軍營鑲黃旗防禦署在雲臺里

步軍營正黃旗防禦署在紙行街

以上步軍營防禦二員每員官衙一所房二十間

步軍營正白旗驍騎校署在畢公巷

步軍營鑲白旗驍騎校署在走木巷

步軍營正藍旗驍騎校署在安義街

步軍營正紅旗驍騎校署在蓬萊巷

步軍營鑲紅旗驍騎校署在蓬萊巷

步軍營鑲藍旗驍騎校署在蓬萊巷

以上步軍營驍騎校六員每員官衙一所房十

五間

謹按滿漢八旗及步軍營各官衙署通共二千三百四十四間其步軍營各官衙署悉仍水師旗營官署之舊

兵房

滿洲前鋒一百五十名每名兵房三間共四百五十間

滿漢領催共二百四十名每名兵房三間共七百二十間

滿漢馬甲共一千九百十名每名兵房三間共五千七百三十間

漢軍駝手二十四名每名兵房二間共四十八間
滿漢弓鐵銅匠二十六名每名兵房二間共五十
二間

滿漢副甲共四百名每名兵房二間共八百間

漢軍步甲共四百名每名兵房二間共八百間

謹按以上滿漢各項錢糧自原額續增而後屢經
裁改茲就改定兵額房間編列除官署不計外通
共實存兵房八千六百間

漢軍寡婦房

謹按乾隆二年將軍張正興疏請於將軍標下綠
營步兵內分八百名作爲旗缺在八旗壯丁內每
旗挑補一百名每名給營房一間共八百間二十

一年因滿洲兵兼駐裁漢軍兵之半而軍標兵亦

汰其半所駐營房四百間

卽今之旗地營房也

仍賞給裁兵

俾作棲止其餘留營步兵四百名至三十三年奉

文盡行裁撤復遺營房四百間三十四年將軍增
海疏請將漢軍馬甲二百缺改設步甲四百名卽
將裁撤軍標兵頂補每名應給兵房二間而裁馬
甲二百又遺房六百間共一千間除給新設步甲
八百間所餘二百間以賞給各旗無族倚靠之寡
婦居住每旗均二十五間云

步軍兵房

光緒九年改水師爲
步軍房間悉循其舊

謹按乾隆十一年立水師營八旗官兵水務未經
學習經將軍錫特庫奏調外海水師各協營千總
二員把總四員副工兵一百名木匠六名舵匠六
名來營充當教習千總二員每員官署一所房八

閒把總四員每員官署一所房六間副工兵木艚匠一百一十二名每名兵房二間計官署兵房共二百六十四間嗣於乾隆十五年十八年兩次奏報成效將千總把總悉行裁撤又奏裁解船二隻將隨船之木艚匠汰除四名十九年奏裁副工兵五十名四十年署將軍李侍堯奏將副工兵五十名悉行裁撤四十一年奏裁解船各一隻將木艚匠四名隨船裁汰至留營繪解船各一隻之木艚匠四名亦一併統歸漢軍壯丁頂補所有官署兵房總共定二百六十四間乾隆二十年內交出千總署一所兵房四十三所二十四年交出千總

署一所把總署二所迨四十一年又陸續交出把
總署二所兵房六十九所除坍塌外通共交出官
署兵房一百五十間由印房查明漢軍八旗族無
披甲之水師兵副工兵均給居駐光緒九年水師
改爲步軍兵房仍舊每旗多寡不等

鑲黃旗二十四間 正白旗十九間 正黃旗三十七間
正紅旗十一間 鑲白旗十九間 正藍旗九間
鑲紅旗十六間 鑲藍旗十五間

滿洲養育兵房

謹按乾隆四十一年經將軍公宗室永瑋疏將滿
洲積年懸扣馬甲四百二十六缺除將一百二十

六缺留俟將來及歲壯丁挑補外所餘三百缺悉
裁改爲養育兵四百名查裁汰馬甲三百缺共遺
官房九百閒將三百閒飭交右司招租卽右司庫
諸裁汰兵
房租餘六百閒撥給新設養育兵四百閒每旗五
十閒尙有空房二百閒於乾隆五十八年經將軍
福昌奏將滿洲馬甲二百缺改設副甲四百名卽
將所遺馬甲房六百閒連上屆餘存空房二百閒
共八百閒分給滿漢副甲每名二閒滿漢各四百
閒每旗均五十閒以上除官署不計外所有滿漢
各項兵房暨寡婦房水師房養育兵房總共實存
九千三百五十閒

堆卡

由歸德門直街北至大北門直街爲旗民交界
要地滿漢八旗每兩旗合設一官堆各堆每班
輪派兩旗領催兵五名防守

鑲黃正白旗滿洲頭堆在街西象牙巷口北邊
正黃正紅旗滿洲二堆在街西大市街口南邊
鑲白正藍旗滿洲三堆在街西南海學宮口北邊
鑲紅鑲藍旗滿洲四堆在街東迴龍里口對門
鑲黃正白旗漢軍五堆在街西三界廟對門
正黃正紅旗漢軍六堆在街西如來菴對門
鑲白正藍旗漢軍七堆在街西百靈街口北邊

鑲紅鑲藍旗漢軍尾堆在街西周家巷口南邊

將軍衙署西北垣牆外防衛漢軍步營堆撥四處

第一段鑲黃正白旗步營堆在花塔街南

第二段正黃正紅旗步營堆在花塔街中

第三段鑲白正藍旗步營堆在花塔街北

第四段鑲紅鑲藍旗步營堆在大茶巷東

以上四段每堆每班兩旗派領催一名步兵四

名防守

光緒九年奏准將漢軍步甲四百名撥入步軍營自是由步軍營派兵防守漢

軍八旗不與焉

滿洲八旗柵欄

鑲黃旗柵欄五道

頭柵在梓德里

二柵在梓德里

三柵在梓德里

四柵在梓德里

五柵在上古里

正白旗柵欄五道

頭柵在象牙巷東

二柵在象牙巷西

三柵在梳篦巷

馬車入方三門
四柵在麻行街

五柵在詩書街

正黃旗柵欄五道

頭柵在絨線巷東

二柵在走木巷

三柵在竹蒿巷

四柵在扁挑巷

五柵在南濠街

正紅旗柵欄五道

頭柵在大市街

二柵在絨線巷北

三柵在溫良巷

四柵在西濠街

五柵在詩書街

鑲白旗柵欄五道

頭柵在仙隣巷南

二柵在仙隣巷中

三柵在甜水巷南

四柵在米市街南

五柵在玉華坊東

正藍旗柵欄四道

頭柵在四柵門

二棚在牛頭巷西

三棚在仙羊街南

四棚在進士里南

鑲紅旗棚欄五道

頭棚在雲臺里東

二棚在南海學宮

三棚在甜水巷北

四棚在仙隣巷北

五棚在進士里北

鑲藍旗棚欄四道

頭棚在紙行街南

二柵在木牌坊

三柵在牛頭巷東

四柵在仙羊街北

計滿洲柵欄共三十八道每道每班派兵二名
防守

漢軍八旗柵欄

鑲黃旗柵欄八道

頭柵在朝天街北

二柵在朝天街中

三柵在崔府街東

四柵在崔府街西

五柵在朝天街南

六柵在陶街口

七柵在迴龍里口

八柵在忠襄里中

正白旗柵欄七道

頭柵在瑪瑙巷口

二柵在擢甲里北

三柵在擢甲里中

四柵在福地巷口

五柵在紙行街口

六柵在蓬萊巷北

七棚在蓬萊巷南

正黃旗棚欄七道

頭棚在寶富巷南

二棚在寶富巷北

三棚在舊南海縣南

四棚在舊南海縣北

五棚在福泉街東

六棚在祝壽巷東

七棚在書同巷口

正紅旗棚欄六道

頭棚在光孝街口

二柵在祝壽巷西

三柵在光孝街尾

四柵在西城根空心樓下

五柵在甯家里

六柵在陶家巷

鑲白旗柵欄六道

頭柵在淨慧街

二柵在新街

三柵在倉前街西

四柵在官塘街

五柵在盤福里東

六柵在盤福里西

正藍旗柵欄六道

頭柵在長泰里

二柵在倉前街東

三柵在倉前街中

四柵在牛巷北

五柵在百靈街

六柵在添濠街西

鑲紅旗柵欄六道

頭柵在添濠街東

二柵在添濠街中

三柵在周家巷西

四柵在桂子營南

五柵在桂子營北

六柵在西華一巷

鑲藍旗柵欄七道

頭柵在機巷口

二柵在蓮花井

三柵在德宣街中

四柵在德宣街西

五柵在榕樹巷

六柵在徐家巷東

七棚在徐家巷西

計漢軍棚欄共五十三道每道每班派兵二名
防守

箭道

公箭亭爲將軍副都統挑選官兵校閱騎射之所
在倉前街

鑲黃正白旗滿洲箭道在梓德里
正黃正紅旗滿洲箭道在七顆榕
鑲白正藍旗滿洲箭道在牛頭巷
鑲紅鑲藍旗滿洲箭道在蓮花巷

前鋒營箭道在西拐角樓城根

鑲黃正白旗漢軍箭道在崔府街
正黃正紅旗漢軍箭道在光孝街
鑲白正藍旗漢軍箭道在牛巷

鑲紅鑲藍旗漢軍箭道在西華二巷

水師旗營箭道在紙行街南

光緒九年改水師爲步軍地狹兵多移步

軍操演於倉前街其水師箭道故址仍歸步軍協領經管

馬圈

鑲黃旗滿洲馬圈在詩書街

正白旗滿洲馬圈在西濠街

正黃旗滿洲馬圈在白麋巷

正紅旗滿洲馬圈在關路巷

鑲白旗滿洲馬圈在大市街

正藍旗滿洲馬圈在大利巷

鑲紅旗滿洲馬圈在米市街

鑲藍旗滿洲馬圈在白沙巷

鑲黃旗漢軍馬圈在崔府街

正白旗漢軍馬圈在崔府街

正黃旗漢軍馬圈在光孝街

正紅旗漢軍馬圈在光孝街

鑲白旗漢軍馬圈在盤福里

正藍旗漢軍馬圈在倉前街

鑲紅旗漢軍馬圈在西華二巷

鑲藍旗漢軍馬圈在西華二巷

謹按八旗官兵每遇徵調每兵拴馬三匹一乘
騎二載軍裝食具此定例也康熙二十一年設
立廣州駐防派京旗漢軍兵三千挈眷來粵每
兵例拴馬三匹三十二年部議每兵酌留一匹
餘二匹俟臨用時再行買補經將軍拜音達禮

疏言廣東地方食物昂貴兵丁生計維艱所支兵餉不敷養贍請每兵加給二匹馬乾銀以贍家口此馬乾之由來自是年起每兵拴馬一匹共額馬三千匹迨乾隆三十六年經將軍特克慎以廣州馬匹除操演騎用外其餘官差俱不用馬且地方寒熱不時易於倒斃坐扣兵丁錢糧買補未免苦累因疏請將滿漢額馬三千匹裁減二千四十匹每旗留六十匹共留馬九百六十匹照福州之例交各該旗官員設立官圈合棚餵養所有建造官圈搭蓋棚槽及官兵駐房一切所需悉在存儲八旗預備買補馬匹項

下動支此八旗創建馬圈之始末也

八旗應火援公所

原設立
在陶街

謹按漢軍八旗原設有救火器具每遇火警官兵
前往撲救其時尙未設有機桶至乾隆八年將軍
策楞奉

上諭務將救火之機桶等項器具製備齊全等因遵將八
旗原設之救火器具飭令左司協領一律修補並
添置應用機桶俱籌款估價稟覆隨於乾隆九年
二月議定在四營公費項下動支委派旗員製造
二十副八旗城門各設一副三堂衙門各設二副
八旗援火公堆安設三副四營援火公堆安設三
副嗣於乾隆三十三年裁汰軍標將四營公堆三

副一併裁撤復於嘉慶初年又將城門八副及三堂衙門六副奉文裁撤現在惟存應火援三副所有各項器具遇有損壞准其在於公用房租項下動支修理每年將所存器具歸入保題軍裝案內造冊報部查覈此八旗應火援機桶原委也

救火器具

機桶三副

救火青旗一面

蜈蚣梯一張

大小托釵三桿

大小撓鈎五桿

蔴搭四桿

挑水擔杆八副

水桶八對

吊桶八對

燈籠十六箇

大鐵撈六箇

號衣四十身

駐粵八旗志卷二終